



Die fünffte Bußpredigt/ Anno 1637.
den 29. Junij
aus Mose/ dem Mann
Gottes.

T E X T U S

Genes. 18. v. 20. 21.

DEr HERR sprach zu Abraham:
Es ist ein Geschrey zu Sodom/ vnd So-
morra/ das ist groß/ vnd ihre Sünden sind fast
schwer. Darumb wil ich hinab fahren / vnd se-
hen/ ob sie alles gethan haben / nach dem Ge-
schrey/ das für mich kommen ist/ oder obs nicht
also sey/ daß Ichs wisse.

Auflegung.

Ir lesen/ meine Geliebte vnd Auß-
erwehlte in Christo dem H E R R E N/
bey dem heiligen Mann Job/ in seinem siebenden Job. 7.
Capitel/ vers. 20. da er GOTT dem HERRN einen
besonders mercklichen Namen giebet / in dem er
denselben einen Menschen-Hüter nennet / da er also spricht:
Quid faciam tibi, ô custos hominum? Was soll ich dir
thun/ O du Menschen-Hüter?